

1998

*Teuteuga o le Tulafono o Auala
Faatosina mo Galuega Tau Atiina
Ae ma le Uunaia o Oloa Auina atu i Fafu*

Nu. 10

SAMOA

Faatulagaina o Aiaiga

- | | | | |
|----|---------------------------|----|--------------------------|
| 1. | Igoa puupuu ma le amataga | | tuanai le aso 29 Me 1998 |
| 2. | Faaaogaina | 4. | Tapulaa i luga o |
| 3. | Faamamaina o Tiute ina ua | | Faamaoniga |

1998, Nu. 10

O SE TULAFONO e teuteu ai le Tulafono o Auala Faatosina mo Galuega tau Atiina ae ma le Uunaia o Oloa Auina atu i Fafu 1992/1993. (19 Iuni 1998)

UA FAIA e le Fono Aoao Faitulafono i totonu o le Palemene ua potopoto e faapea:-

1. Igoa puupuu ma le amataga-(1) E tatau ona taua leni Tulafono o le Tulafono o Teuteuga o le Tulafono o Auala Faatosina mo Galuega Tau Atiina ae ma le Uunaia o Oloa Auina atu i Fafu 1998, ma e tatau ona faitauina faatasi ma avea ai o se vaega o le Tulafono o Auala Faatosina mo Galuega Tau Atiina ae ma le Uunaia o Oloa Auina atu i Fafu 1992/1993 (o le Tulafono autu).

(2) O leni Tulafono o le a tatau ona amata faamamaluina mai i le aso 29 o Me 1998, ma e tatau ona i ai ona aafiaga e tusa ai i taimi ua tuanai.

2. Faaaogaina - O leni Tulafono e tatau ona faaoga i poloaiga uma ua faamaonia pe sa tuuina muamua po o ina ua tuanai le aso na amata faamamaluina ai leni Tulafono.

3. Faamamaina o Tiute ina ua tuanai le aso 29 Me 1998 - O le Tulafono autu ua teuteuina i le faaopoopoina i ai o le fuaiupu 31A e faapea:

“31A. Faamamaina o Tiute ina ua tuanai le aso 29 Me 1998-(1) E ese mai ai i tuutuuga o so o se poloaiga ua faamaonia o atiina ae tau alamanuia i totonu o le atunuu, e tatau i Le o faia le atiina ae tau alamanuia ona totogiina tiute o oloa pe -

- (a) I le fua faatatau atoa o tiute o oloa ua faatatauina pe a tuanai le aso 29 Me 1998; po o
- (b) I se fua faatatau e 50% o le fua faatatau o le tiute o oloa ua faatatauina i lea lava taimi a o lumanai le aso 29 Me 1998.

Ae vagana ai o se poloaiga ua faamaonia o se atiina ae tau alamanuia i totonu o le atunuu, na tuuina atu a o le i oo i le aso 29 Me 1998, na faamaonia se tiute mo oloa e le i galueaina i se fua faatatau o le tiute i lalo ifo o le fua ua faatulagaina i le parakalafa (a) po o (b), o lena fua faatatau i lalo ifo, na fuafuaina i le faatusatusa i le fua faatatau o tiute e totogiina i le taimi e sili ona sosoo atu ma le aso 29 o Me 1998, o le a faamamaluina mo le vaitaimi o le poloaiga faamaonia.

(2) O tuutuuga o poloaiga uma ua faamaonia o atiina ae tau alamanuia i totonu o le atunuu o le a tatau ona avea o se teuteuga ina ia ogatasi ai ma le faafuaiupu (1).”

4. Tapulaa i luga o Faamaoniga - O le Tulafono autu ua teuteuina i le faaofiina i ai i totonu o le fuaiupu 31B e faapea:

“31B. Tapulaa i luga o faamaoniga-(1) A fai o se poloaiga ua faamaonia o se atiina ae tau alamanuia i totonu o le atunuu ua uma ona tuuina atu a o lumanai le aso 29 Me 1998 ma e faapea o lea poloaiga o lo o aofia ai ni tulaga faamama mai tiute o oloa e faatatau i mea taitasi o tupe faavae, e aofia ai masini tetele ma meafaigaluega, e faapea o ia faamama avega mai tiute o oloa e tatau ona faamutaina le aoga i le aso 1 Iuni 1999.

(2) O so o se poloaiga o atiina ae tau alamanuia i totonu o le atunuu ua tuuina atu ina ua tuanai le aso 29 Me 1998, e tatau

-

- (a) Ona le tuuina atu i ai se faamama avega mai tiute o oloa e tusa ai o oloa e le i galueaina, taavale po o vaa; ma
- (b) E tatau ona manaomia le totogi o fua faatatau o tiute o oloa e le o i lalo ifo o le 10% e faatatau i mea-taitasi o tupe faavae, e aofia ai masini tetele ma meafaigaluega.

Ae vagana ai e faapea ua faamalieina le Kapeneta e faapea o se taavale patino po o se vaa o lo o i se tulaga faapitoa e avea ai o se meatotino faavae, e mafai loa ona tuuina atu se faamama avega mai tiute o oloa ina ia ogatasi ai ma le parakalafa (b).”
